

# BULETIN JAVOR

## 12-16 QERSHOR

### 2023



Shprehja

"Besimi në teknologji është një gjë e mirë, por kontrolli i saj është akoma më mirë."

e javës

Përmbajtja:

- AKCESK pjesëmarrje në aktivitetin e OSCE mbi Masat e ndërtimit të Besimit
- Grupet e njohura të kërcënimit të identifikuar si: Anonim Sudan, REvil dhe KillNet, në qershor 2023 kundër sistemeve financiare perëndimore
- Microsoft-Patching Alert



#### AKCESK pjesëmarrje në aktivitetin e OSCE mbi Masat e ndërtimit të Besimit

Masat e ndërtimit të besimit (CBM) janë një pjesë integrale e qasjes gjithëpërfshirëse të OSBE-së ndaj sigurisë, të cilat, promovojnë dialogun dhe theksojnë zgjidhjet bashkëpunuese për sfidat e përbashkëta. CBM synojnë uljen e tensioneve, parandalimin e konflikteve dhe promovimin e stabilitetit dhe sigurisë midis shteteve anëtare të OSBE-së. Në këtë kuadër, si pjesë aktive e OSCE, Shqipërisë Ju përcoll ftesa për pjesëmarrje në datat 13-15 Qershor, ku pjesëmarrës ishin përfaqësues të MEPJ dhe pika teknike e kontaktit për OSCE nga Autoriteti Kombëtar për Certifikimin Elektronik dhe Sigurinë Kibernetike, në takimet si më poshtë:

-Grupi Informal i Punës i krijuar me Vendimin e PC nr. 1039 (IWG) më 13 qershor.

Gjatë ditës së parë, agjenda konsistoi në diskutimet paraprake mbi implementimin e CBM 12. Shtetet pjesëmarrëse, mbi baza vullnetare, ndanë informacione dhe mundësuan shkëmbimet ndërshtetërore në formate të ndryshme, duke përfshirë tryezat e rumbullakëta, në nivel rajonal dhe/ose nën-rajonal. Autoritetit Kombëtar për Certifikimin Elektronik dhe Sigurinë Kibernetike, raportoi të gjitha arritjet e kryera sipas secilës CBM. Gjithashtu u pasqyruan edhe të gjitha arritjet e kryera nga Autoriteti në përputhje me CBM 12.

-Konsultimet mbi Programin e Veprimit të OSCE-së për të avancuar sjelljen e përgjegjshme të shteteve në përdorimin e teknologjive të informacionit dhe komunikimit në kontekstin e sigurisë ndërkombëtare (PoA) më 14 qershor.

Gjatë ditës së dytë, qëllimi i konsultimit ishte të ofronte një mundësi për shtetet pjesëmarrëse të ndanin pikëpamjet e tyre mbi qëllimin, përmbajtjen dhe modalitetet e programit të OSCE-së me synimin për shqyrtimin e mëtejshëm të këtij propozimi nga Asambleja e Përgjithshme. Konsultimet synonin të pasuronin shqyrtimin e Asamblesë së Përgjithshme të një programi të ardhshëm veprimi të Kombeve të Bashkuara (United Nations) përmes nxitjes së një kuptimi më të thellë të perspektivave rajonale dhe nën-rajonale. Shqipëria dha kontributin e saj, në përputhje edhe me takimin e mëparshëm të PoA duke pasqyruar deklaratën e përgatitur nga Autoriteti Kombëtar për Certifikimin Elektronik dhe Sigurinë Kibernetike, mbi kontributin e Drejtorisë së Qeverisjes së Sigurisë Kibernetike Kontrollit dhe Zhvillimit Strategjik dhe Drejtorisë së Analizës së Sigurisë Kibernetike si dhe në bashkëpunim me Ministrinë për Evropën dhe Punët e Jashtme.

-Takimi vjetor i pikave kombëtare të kontaktit të emëruar në përputhje me Confidence-Building Measure OSBE-së (CBM) Nr. 8, më 15 Qershor 2023 ku pasqyruan nga vendi jonë synimet për të ardhmen lidhur me aktivitetet dhe bashkëpunimet në nivel kombëtar, rajonal dhe ndërkombëtar.

Sekretariati i OSCE, si një ndër organizatat aktive dhe të përfshira në çështjet e sigurisë kibernetike, theksoi gjithashtu rëndësinë e pjesëmarrjes së Shqipërisë në OEWG (Open-Ended Working Group on Security) dhe United Nations me qëllim adresimin e duhur të gjitha arritjeve dhe progresit të Shqipërisë në çështjet e sigurisë kibernetike, e cila është prioritet në agjendat e të gjitha vendeve të UN, në këto organizma të rëndësishme ndërkombëtar.



#### Grupet e njohura të kërcënimit të identifikuar si: Anonim Sudan, REvil dhe KillNet, në qershor 2023 kundër sistemeve financiare perëndimore

Sipas një postimi në Telegram më 14 qershor 2023 i cili pretendonte se përfaqësonte grupet e kërcënimit: "Anonim Sudanin", "REvil" dhe "KillNet" paralajmëronte planet për të kryer sulme kibernetike shkatërruese kundër objektivave financiare perëndimore, duke përfshirë sistemin SWIFT, Rezervën Federale dhe Bankën Qendrore Evropiane në dy ditë e ardhshme. Sipas postimit sulmi kibernetik nuk do të jetë vetëm një sulm DDoS, por do të jetë "sulmi kibernetik më i fuqishëm në historinë e botës" dhe se shumë banka evropiane do të sulmohen.

Si rrjedhojë e studimeve të vazhdueshme ndaj sulmeve kibernetike, aludohet se këto sulme të jenë të llojit DDoS të përqendruara te aplikacionet e klientëve, ku mund të shohim disa ndërprerje të kufizuara në disa faqe internetit dhe disa klientë mund të mos jenë në gjendje të hyjnë në disa website.

## PATCHING ALERT



#### Microsoft lançon përditësimet e reja për 78 vulnerabilitete

Microsoft së fundmi, përditësoi 78 vulnerabilitete, duke përfshirë 38 dobësi të kodeve që ekzekutohen remote.

Ndërsa tridhjetë e tetë gabime të kodeve u rregulluan, Microsoft renditi vetëm gjashtë vulnerabiliteteve si 'Kritike', duke përfshirë sulmet e service denial (mohim i shërbimeve), ekzekutimin e kodit remote dhe shkeljen e privilegjeve.

Vulnerabilitete janë korrigjuar nga ekipi i Microsoft. AKCESK rekomandon të gjithë përdoruesit të përdorin versionin e përditësuar

[Link: Lexo më shumë](#)